

Fundargerð stjórnarfundar Byggðasamlags Vestfjarða um málefni fatlaðs fólks, mánudaginn 23. febrúar 2015, kl 13.00. Haldinn í fundarsal Háskólaþess Vestfjarða, Árngötu 2-4, Ísafirði og í fjarfundi frá Hólmavík. Mætt voru Friðbjörg Matthíasdóttir, formaður, Baldur Smári Einarsson, Jónas Þór Birgisson, Ingibjörg Emilsdóttir (Hólmavík) og Sigurður Hreinsson. Auk þess sátu fundinn þau Aðalsteinn Óskarsson, framkvæmdastjóri og Sif Huld Albertsdóttir, verkefnastjórn og rituðu þau fundargerð.

Formaður setti fundinn og kynnti að Daníel Jakobsson hefði boðað forföll og í hans stað sæti Jónas Þór Birgisson. Bauð formaður Jónas velkominn til starfa en þetta er hans fyrsti fundur. Formaður kynnti einnig að Sigurður Hreinsson kæmi síðar á fundinn.

## **1. Fundargerð stjórnarfundar 2. febrúar 2015.**

Fundargerð hafði áður verið send út í tölvupósti til staðfestingar en óskast nú formlega staðfest. Fundargerð samþykkt.

## **2. Fjárhagsstaða BsVest.**

a. Staða erinda til Jöfnunarsjóðs sveitarfélaga.

### **i. Beiðni um viðbótarframlag vegna ársins 2014.**

Lagt fram svar framkvæmdastjóra Jöfnunarsjóðs í tölvupósti dags 20. febrúar, þar sem kynnt er umfjöllun ráðgjafaráðs Jöfnunarsjóðs um erindi BsVest. Niðurstaðan var að veita BsVest kr 35.474.000,- í viðbótarframlag vegna ársins 2014. Framkvæmdastjóri kynnti að framlagið hefði verið greitt til BsVest og í samráði við formann og verkefnastjóra hefði því verið ráðstafað til félagsþjónustusvæða á grundvelli skiptireglu ársins 2014. Í tölvupósti framkvæmdastjóra Jöfnunarsjóðs eru rædd atriði sem vísast til umræðu um önnur mál.

### **ii. Framlög Jöfnunarsjóðs til málefna fatlaðs fólks á Vestfjörðum.**

Lagt fram bréf Jöfnunarsjóðs dags 30. janúar 2015 sem svar við erindi BsVest frá 20. janúar s.l.. Kynnt er að núverandi ráðgjafanefnd Jöfnunarsjóðs sé að láta af störfum og muni ekki taka á erindi BsVest. Erindið verði hinsvegar lagt fyrir nýja ráðgjafanefnd við fyrsta tækifæri en fyrsti fundur hennar verði fljótlega.

Sigurður Hreinsson mætti til fundar.

## **b. Ályktun til sveitarfélaga á Vestfjörðum um fjárhagsstöðu málaflokks fatlaðs fólks.**

Formaður kynnti að í ljósi hinnar alvarlegu stöðu sem leiddi af endurmati Jöfnunarsjóðs á útgjaldapörf ársins 2014 og ársins 2015, þá hefði verkefnastjóri, framkvæmdastjóri og formaður kynnt málið á fundi með Sambandi íslenskra sveitarfélaga þann 19. febrúar s.l. Niðurstaða fundarins var að stjórn BsVest tæki til umræðu hvort því yrði beint til aðildarsveitarfélaga, að óska eftir viðræðum við velferðarráðuneytið um að ríkið taki við málaflokki. Benda verði á, að forsendur fyrir samstarfi sveitarfélaganna á grundvelli undanþágu frá íbúaviðmiði séu í raun brostnar.

Framkvæmdastjóri kynnti drög að samþykkt stjórnar um málið ásamt greinargerð. Rætt um efni máls og formaður lagði fram eftirfarandi tillögu.

*Stjórn Byggðasamlags Vestfjarða um málefni fatlaðs fólks (BsVest) beinir því til aðildarsveitarfélaga sinna að óska eftir viðræðum við velferðarráðuneytið um að ríkið taki við málaflokki fatlaðs fólks á Vestfjörðum úr höndum sveitarfélaga.*

*Endurmat Jöfnunarsjóðs á útgjaldabörf sem kynnt var í lok ársins 2014 leiðir til 50,8 mkr lækkunar miðað við samþykktu fjárhagsáætlun BsVest fyrir árið 2014, eða sem nemur 15,3 % lækkun. Á móti kemur sérstakt viðbótarframlag 35,4 mkr vegna ársins 2014 sem samþykkt var á grundvelli umsóknar BsVest í janúar 2015. Samþykkt fjárhagsáætlun BsVest fyrir árið 2015 nemur um 404 mkr en mat Jöfnunarsjóðs á útgjaldabörf og staðfest var af innanríkisráðherra þann 9. febrúar s.l. nemur 286,2 mkr, sem er um 30 % lægri fjárhæð en áætlun BsVest eða sem nemur 118 mkr. Sé þessi fjárhæð sett í samhengi við alla íbúa á Vestfjörðum yrði að hækka álögur á þá um 17 þkr á ári eða beita sparnaði með uppsögnum er næmi 20 stöðugildum.*

*Framlög til reksturs málaflokksins til BsVest samkvæmt áætlunum Jöfnunarsjóðs sveitarfélaga fyrir árið 2014 og árið 2015 eru það mikið lægri en fjárhagsáætlanir sveitarfélaga gera ráð fyrir, að sveitarfélög á Vestfjörðum telja sig ekki geta sinnt lögbundnum skyldum gagnvart þjónustuþegum á grundvelli þeirra.*

*Minnt á að fjárhagsáætlanir sveitarfélaga eru bindandi samkvæmt sveitarstjórnarlögum og er byggðasamlaginu ekki heimilt að valda sveitarfélögum skuldbindingum nema hafa áður leitað samþykkis þeirra. Stjórn byggðasamlagsins telur sig á þessum forsendum ekki geta mælt með því við sveitarfélög á Vestfjörðum að þau endurnýi samstarfssamning um rekstur málaflokksins og óski jafnframt ekki eftir áframhaldandi undanþágu frá viðmiði um stærð þjónustusvæða.*

*Þar sem sveitarfélögin vilja að sjálfsögðu tryggja að íbúar þeirra hafi áfram aðgang að þjónustu sem lög mæla fyrir um, beinir stjórn BsVest því til aðildarsveitarfélaga sinna að óska nú þegar eftir viðræðum við velferðarráðuneyti um hvernig því verði best fyrir komið.*

*Tillagan samþykkt samhljóða og framkvæmdastjóra falið að kynna efni hennar fyrir aðildarsveitarfélögum, velferðarráðuneyti, Jöfnunarsjóði og sambandi íslenskra sveitarfélaga*

### 3. Önnur mál.

#### a. Fjárhagssleg samskipti við Jöfnunarsjóð.

Kynnt efni tölvupóst framkvæmdastjóra Jöfnunarsjóðs 20. febrúar, þar sem staðfest er sú ákvörðun sjóðsins sem kynnt var á símafundi þann 5. janúar s.l. að útgjaldabörf BsVest hefði verið endurmetin í lok desember fyrir árið 2014 og framlög lækkuð um 29,9 mkr. Tillaga framkvæmdasjóðs Jöfnunarsjóðs er að ofgreiðsla framlags á árinu 2014 verði innheimt af framlögum til Byggðasamlagsins á árinu 2015 en í fullu samráði við það.

Formaður lagði fram tillögu.

*Stjórn BsVest beinir því til Jöfnunarsjóðs sveitarfélaga að reiknuð ofgreiðsla framlaga ársins 2014 verði ekki innheimt að sinni. Þess í stað verði fengin ráðgjafi á vegum Jöfnunarsjóðs til að meta kostnað félagsþjónustusvæða BsVest og staða mála verði metin að nýju að loknu því mati. Vinnu við þetta verkefni verði hraðað eins og kostur er.*

Tillagan samþykkt.

Fleira ekki gert og fundi slitið kl 14.45.